

*Regio.
Unde dicta.
Situs.
Cæli temperies.
Soli fertilitas.*

*Animalium
varietas.*

*Imperium majo-
rum.*

Urbes.

POLONIA a planitie terræ (quam ipsi etiamnum *Pole* vocant) nomen habet. Vasta admodum regio est: ad Septentrionem Borussia & Pomeraniam respicit, ad Orientem Solem Massoviam & Lithuaniam; qua Meridies est *Russia* & *Hungaria* Montibus clauditur: qua Occidentis *Lusatia*, *Silesia* & *Moravia*. Longitudo cccclxxx, latitudo ccc Milliariūm. Regionis Aer purus, sed frigidus rigensque ac severæ hyemes. Regio omnis plana, fertilis Hordei, Frumenti, Leguminum. Abundat Fructibus, Cera, Melle, Butyro. Habet & Salis maximam copiam, qui ex terra eruitur. Habet & Aeris Fodinas in Montium jugis, *Tatry*, ab incolis dictis: nec non Sulphuris. Abundat insuper Armentis, adeo ut Saxonia multæque gentes Germanicæ Polonicis Bubus victitent. Varij generis videre est ibi Animalia, magnamque Pecudum & Ferarum copiam. Habet Vros, Bidentes, Tauros & Equos silvestres, Onagros quoque & ejusmodi. Nec desunt Aves variæ magna copia, ad aucupia invitantes. Regni titulum & Majestatem accepit Polonia anno c101 regnante *Boleslao Chabri*, qui ab Ottone III Romanorum Imperatore regium diadema accepit. Post annos vero LXXVII sub *Boleslao Audaci*, qui crudeliter *Stanislaum* Cracoviæ Episcopum trucidavit, regio diademate a Pontifice Romano privata est. Iterum tamen recuperatum est avitum jus, electo in Regem *Primsiao* II Duce maioris Poloniæ & Pomeraniæ, anno c10ccxcv. Dividitur hæc Regio in Poloniā *Majorem* & *Minorem*. *Major* est magis Septentrionalis, eamque mediam intersecat *Varta* fl. *Minor* est Australis eamq; *Vistula* pererrat. In *Majore* Polonia Civitates principales istæ. *Posnania* ad *Vartam* & *Prosnam* fluvios, inter colles condita, muro dupl. ci:ades habet lateritias amplas & multas: suburbia vasta ad *Vartæ* ulteriorem ripam, stagno ingenti paludibusque circumdata: nundinas etiam binas quotannis admodum cælebres, & Episcopatus sedem. Habet sub se Opida ista, *Koscien* inter lutosas paludes v111 milliariūm intervallo. *Miedzyrzecze*, cuius domus omnes ligneæ, estq; finitima *Silesiæ* & *Pomeraniæ*. *Ostresow* in planicie inter Silvas sita; *Wschow*, *Sremok*, *Prenez*, & *Rogozno*, *Calisia* Civitas est muro circumdata, inter paludes, quam *Proсна* fl. præterlabitur. Arcem mutatam hoc loco fuisse, ruinæ testantur. Sub hac sunt, *Gnesno*, *Pyzdry*, *Wartha*, *Naklo*, *Land*, *Konin*, *Slupeza* & *Kolo*. *Gnesna* muro circumdata est, in planicie, inter lacus collesque. Hæc prima omnium Civitas a *Lecho* condita est: in hac Princeps Poloniæ *Beleslaus Chabri* ab Ottone III Romanorum Imp. Regium Diadema accepit, quo ad hoc usque tempus Reges Poloniæ utuntur. *Siradia* Civitas lignea muro septa est in planicie. Sub hac sunt *Vielunia*, *Sadeck*, *Petricovia*, *Rospza*, & *Spicimiria*. *Petricovia* palustri loco sita, luitosa est. *Lancisia* Civitas est haud inamœna, muro fossaq; clausa, in planicie. Sub ea sunt *Orlovja*, *Piatec*, *Bresnia*, *Kornazew*, *Biechow*, & alia nonnulla Opida. *Cniavia* sive *Vladislavia* urbs ampla est, habet sub se *Bidgostiam* ad *Budam* fl. navigabilem, quo merces ex Polonia in *Vistulam* deferuntur. *Brestia* sub se habet *Radzieio*, *Crusphiciam* & *Cowalovv*. *Crusphicia* post *Gnesnam* omnium Polonicarum urbium prima est, lignea, cum arce lateritia, ad Lacum *Goplo*, ex quo Lacu mures olim prodierunt, qui *Pompilium* Principem Poloniæ in ea Arce iusta numinis ira vidictâ depolcente devoravit.